



御文

碑銘行狀  
銘表碣  
誄誌

六

七 碑銘  
八 行狀  
九 銘表碣、誄誌

16  
245  
6





唐柳河東集卷第七

明橋李蔣之翹輯注

碑銘

南嶽雲峯寺和尚碑

南嶽見前按塔銘和尚於貞元十

七年九月葬以十月其年秋子厚方調監田尉此碑及塔銘皆同時作黃震曰柳集浮屠家碑一卷其理蕩而不可究詰其詞重而不可明喻唯南嶽大明一碑僅明自可曉姑取之愚謂此碑者立詔未盡瑩而理則近是蓋一碑所主者律而餘多言禪也律者嚴潔其身佛所教人之本旨而禪之說創於達磨自稱教外別傳佛書初無此說也律以斷惡修善而

禪者謂惡不必斷善不必修惟問心  
之有無如何苟無心殺入而殺人即  
殺人為無罪至罵其師瞿曇為乾矢  
撮為一棒打殺作死狗煮喫亦為無  
心故無罪者也律出於佛其徒憚而  
小之禪不出於佛其徒張而大之使  
入不得而詰其罪者也然  
則世之言佛者將何從乎

乾元元年某月日乾元肅宗年號皇帝曰予

欲俾慈仁怡愉洽于生人惟浮圖道允迪乃

命命不嶽求厥元德以儀于下惟茲嶽上于尚

書儀謂表儀也其晉曰雲峯太師法證凡蒞事不

十年貞元十七年乃沒其徒曰詮曰遠曰振

曰巽曰素凡三千餘人其長老咸來言曰吾  
師執行峻特器宇弘大有來受律者吾師示  
之以為尊嚴整齊剛烈義類而人知其所不  
為有來求道者吾師示之以為高廣通達一  
其空有而人知其所必至元臣碩老稽首受  
教髻童毀齒踴躍執役故從吾師之命而度  
者凡五萬人髻音迨○髻童子垂髮貌說文  
亂毀齒也男八月而齒生八歲  
而齒生七歲而齒吾師冬不爨裘饑不豐食每  
歲會其類讀羣經俾聖言畢出有以見其大

佛... 卷...

又率其件伐木輦土作佛塔廟泊經典俾象  
 法益廣有以見其用燠乙六威遇一切作音  
 午象三作像○件偶也  
象法漢書注作金人以爲天人之主而祭之即今佛像是其遺法也將沒告門  
 人曰吾自始學至去世未嘗有作焉然後知  
 其動無不虛靜無不爲生而未始來歿而未  
 始往也其遺備矣○而下或有二知字願刻  
 好幹旋語最圓活  
 山石知教之所以大其詞曰  
 師之教尊嚴有耀恭天子之詔維大中以告  
 後學是效師之德簡峻淵默柔惠以直渙焉

而不積同焉而皆得茲道惟則師之功勤勞  
 以庸維奧秘必通以興祠宮遐邇攸從師之  
 族由號而郭世德有奕從佛于釋姓譜周武  
 王封文王  
弟號叔於西號平王東遷奪其地與鄭武公  
 求號叔之裔孫序封於陽號曰郭公號謂之  
 郭聲之師之壽七十有八維終始罔缺丕冒  
 遺烈厥徒蒸蒸維大教是膺維憲言是徵溥  
 博恢弘如川之增如雲之興如嶽之丕崩終  
 古其承之

南嶽雲峯和尚塔銘

雲峯和尚族郭氏號法證為竺乾道三十有  
 七年年七十有八貞元十七年九月十七日  
 終十月二十七日葬凡度學者五萬人為弟  
 子者三千人無字色厲而仁行峻而周道廣  
 而不尤功高而不有毅然居山之北峯以為  
 儀表世之所謂賢人大臣者至南方咸所嚴  
 事由其內者聞大師之言律義莫不震動悼  
 懼如聽誓命由其外者聞大師之稱道要莫  
 不悽歎欣踴如獲肆宥歎音希○此即前碑  
 所云受律求道二下段

之故時推人師則專其旨詔求教宗則冠其  
 位披山伐木崇構法宇測地得其勝捐衣去  
 食廣閱羣經則理得其深其道實勤而其心  
 無求自大師化去教亦隨喪嗚呼大師之葬  
 門人慕號長老愁痛遂相與以為茲塔礮石  
 峻整植木蔞茂蔞鳥孔切又音翁  
 蔞草木盛貌凡斷山無  
 與為此者然而未有能紀其事余既與大乘  
 師重巽遊巽其徒也亟為余言故為其銘亟  
 為字銘曰

苞元極兮韜大方威而仁兮幽以允行峻潔  
兮貌齋莊氣混溟兮德洋洋演大律兮離毫  
茫度羣有兮耀柔剛棟宇立兮象法彰文字  
闡兮聖言揚善闡齒切詔褻列兮宅南方道之廣  
兮用其常後是式兮定久長閱靈室兮記崇  
岡即玄石兮垂文章學者慕兮哀無疆

南嶽般舟和尚第二碑

子厚嘗作南嶽彌陀和尚碑謂代宗時有僧法照言其師南嶽太長老有異德天子禮焉名其居曰般舟道場與此碑合按碑云前永州司馬員外置柳宗元撰并書元和三年十

月二十九日僧景秀立刻者林鴻

佛法至于衡山及津大師始修起律發子厚

龍興寺記金仙氏之道蓋本於孝敬而後積以眾德歸於空無其敷演教戒於中國者離為異門曰禪曰法曰律以誘掖迷濁由其壇場而出者為得正

法其大弟子曰日悟和尚盡得師之道次補

其處為浮圖者宗世家于零陵將姓也志一統

州秦屬長沙漢曰零陵今有零陵縣和尚心大而行密體卑而道尊以為由定發慧必用毗尼為之室宇律毗

也傳登錄律師遂執業於東林恩大師究觀

祕義乃歸傳教不視文字懸判深微登壇蒞  
 事度比丘凡歲千人者三十有七而道不  
 愆比音鼻○同覺要覽梵語比丘如秦云乞士謂上於諸佛乞法資益惠命下於施土益身色以為去凡即聖必以三昧為之軌道  
 佛書雜記道家云真儒者云發一釋氏云  
 三昧其義通也言即有二遂至於三即昧  
 在其間反覆遂服勤於紫霄遠大師修明要  
 與得以觀佛浩入性海洞開真源道場專精  
 長跪右遶不衡不倚凡七日者百有二十而  
 志不衰洞開真源碑本作廓開真源無長跪及不衡字○維摩經注是性是情同

歸歸覺初開元中詔定制度師乃居本郡龍興  
 寺肅宗制天下名山置大德七人茲嶽尤重  
 推擇居首師乃即崇嶺是作精室闢林莽剏  
 巖巒殿舍宏大廊廡修直不命而獻力不祈  
 而薦貨凡南方顯念佛三昧者必由於是命  
 曰般舟臺焉闕碑本作斬廡音武顯音專般如字○爾雅山小而銳曰巒說文廡堂下周屋大藏有般舟三昧經云一心念佛若一日晝夜若七日七夜又云經行不得休息不得坐三月速得是三和尙生三昧今釋氏亦有依此裝修行者  
 年而始出家又九年而受具戒又十年而處

壇場

碑木處  
作居

又三十七年而當貞元二十年

正月十七日化于茲室嗚呼無得而修故念

為實相不取於法故律為大乘

李願大乘賦  
序大乘者益

如來之道場也故說覺聲聞謂之小  
乘謂法駕之通馳如舟車之致遠也壞衣不

飾揣食不味覆薦服役凡出於生物者擯而

勿用不自知其慈揣徒官  
切聚貌攝取調御凡歸於

正真者動而成羣不自知其教萬行方厲一

性恒如寂用之涯不可得也有弟子曰景秀

嗣居法會欲廣其師之德延于因極故申頌

陳辭俾刊之茲碑銘曰

象教南被及津而尊威儀有嚴載闢其門吾

師是嗣增濬道源度眾逾廣大明羣昏乃興

毗尼微密是論論平  
聲八萬總結彰于一言聲

聞熙熙遐邇來奔如木既拔有植其根乃法

般舟奧妙斯存百億冥會觀于化元同道祁

祁功庸以敦祁祁  
盛貌如水斯壅流之無垠垠音  
銀岸

也帝求人師登我先覺赫矣明命表茲靈嶽

于彼南阜齋宮爰作負揭致貨時靡要約揭音

于彼南阜齋宮爰作負揭致貨時靡要約揭音



竭又音竭又音慧 並牽也 要平聲 袒奮程力 不呼而諾是刈

是鑿既塗既斲層構孔碩以延後學出不牛

馬服不紫帛匪安其躬亦非其食勤而不勞

在用恒寂縱而不傲在捨恒得洪融混合孰

究其跡懿茲遺允式是嘉則容貌往矣軌儀

無極其徒追思廣薦茲石

南嶽大叻寺律和尚碑

或本止作大明和尚碑○秘處

儒以禮立仁義無之則壞佛以律持定慧夫

之則喪是故離禮於仁義者不可與言儒異

律於定慧者不可與言佛達是道者唯大叻

師弘辨禪師曰云何各戒對曰防非止惡謂

之戒帝曰云何為定對曰六根涉境心不緣

染各定帝曰云何為慧對曰心境俱空照覽

無惑 師姓歐陽氏號曰惠開唐開元二十一年

年始生天寶十一載始為浮圖大曆十一年

始登壇為大律師貞元十三年十一月十一

日卒元和九年正月其弟子懷信遺嵩尼無

染等命高道僧靈嶼為行狀列其行事願刊

之茲碑尼無染，韋氏女見碑陰，記事物原始  
此中國為宗元今掇其大者言曰師先因官  
尼之始也世家潭州為大姓有勲烈爵位今不言大浮  
圖也此言不以序其官族所以尊大浮凡浮圖  
之道衰其徒必小律而夫經大明恐焉於是  
從峻洎侃以究戒律而大法以立又從秀洎  
昱以通經教而奧義以修峻侃秀昱皆僧名由是二  
道出入隱顯後學以不惑來求以有得貴德  
二年始立大明寺于衡山詔選居寺僧二十

一人師為之昔某年又命衡山立毗尼藏詔  
選講律僧七人師應其數某年未詳或作乾  
乾元肅宗即位之三載廣德代宗即位之  
載方如此則乾元當在廣德之先也然此碑正  
謂南嶽大明寺律和尚則大明寺始凡其衣  
服器用動有師法言語行止皆為物執執巾  
匝奉杖履為侍者數百翦髮髻被教戒為學  
者數萬此音移又演爾切左傳得象若獨  
尊若甲悔而允介而大灑灑焉無以加也  
灑音浩說其塔在祝融峯西址下碑在塔  
文灑曠曠也

儒以禮行覺以律興一歸真源無大小乘大

明之律是定是慧不窮經教為法出世化入

無疆垂裕無際詔尊碩德威儀有繼道徧大

州徽音勿替祝融西麓洞庭南裔麓音鹿

也商末金石刻辭彌億千歲麓音鹿

碑陰

凡墓大浮圖無窳穴其於用碑不窳窳音卓

又摠絹切音中然昔之公室禮得用碑以墓

C窳窳地也

其後子孫因定不遂路德行用圖久於世

及秦刻山石號其功德亦謂之碑而其用遂

行然則雖浮圖亦窳也秦如既為皇帝巡行

石頌秦凡墓大浮圖其徒廣則能為碑晉宋

尚法故為碑者多法梁尚禪故碑多禪法不

周施禪不大行而律存焉故近世碑多律凡

墓大浮圖未嘗有比丘尼主碑事今惟無染

實來涕淚以求其志益堅又能言其師他德

尤備故書之碑陰師凡主戒事二十二年宰

相齊公朕李公泌頡公憬尚書曹王臯裴公  
胄侍郎令狐公岷或師或友齊親執經受大  
義為弟子史記上六人又言師始為童時夢大  
人編冠素鳥來告曰居南嶽大吾道者必爾  
也色鳥履也而信然說文編八鮮將終夜有光明笙磬  
之音眾咸見聞若是類甚眾以儒者所不道  
而無染勤以為請故末傳焉無染韋氏女世  
顯貴今主衡山戒法不詳

衡山中院大律師塔銘

衡山中院大律師曰希操沒年五十七沒年一作  
未既沒二十七年弟子誠盈奉公之遺事願  
銘塔石公智姓智子感切○姓譜凡去儒為  
釋者三十一祀掌律度眾者二十六會南尼  
戒法壞而復正由公而大興衡嶽佛寺毀而  
再成由公而不變故當世之士若李丞相泌  
道未嘗屈視公而稽首尊之不名入公前與大  
謂丞相李公泌執經受大義今又謂視大律師  
師而稽首尊之則師之出處蓋必與大明師  
同出世之士若石廩公瓚公衡山有石廩公

也號言未嘗形遇公而歎息推以護法是以  
 建功之始則震雷大風示其兆滅跡之際則  
 隕星黑祲告其期祥春秋傳見赤黑之祲  
 斯為神怪不可度已故其與物不同終始無  
 爭受學之眾他莫能備也凡所受教若華嚴  
 照公蘭若真公若八面也切凡官賜額者皆為寺私造者為蘭若荆  
 州至公律公皆大士凡所授教若惟瑗道郢  
 靈幹惟正惠常誠盈皆聞人嗚呼始終哉為  
 之銘曰

首有承兮卒有傳華太訛兮持法權眾之至  
 兮志益虔雷發兆兮功已宣星告妖兮壽不  
 延靈變化兮迎大仙龔茲石兮垂萬年世有  
 壤兮德無遷

此處有極淡的印文，內容難以辨認，可能是後世添加的批註或校勘。

唐柳河東集卷第八

明橋李蔣之翹輯注

行狀

段太尉逸事狀

段太尉，秀實也。字成公，不，姑臧人。新舊史皆有傳。此狀于厚，元和九年，在永州作集。又有與史官韓愈致段太尉逸事書。狀當在書之先。段太尉逸事狀，可賞。自黎書、張中丞傳後，一篇然。韓作俊逸，柳作縝密，具見擅場。黃震曰：文高事，覈曲盡其妙。王世貞曰：退之規子長之風，子厚晉問，頗得枝叔之情。段太尉逸事，差存孟堅之造。下此益遠矣。茅坤曰：纔刻情事。

太尉始為涇州刺史時大曆十二年邠寧節度使白存德薦秀實

為涇州刺史按涇州今屬陝西平涼府汾陽王以副元帥居蒲

是歲正月以汾陽王郭子儀為關內河東副

元帥河中節度等使治河中蒲州也

都今屬山王王子晞為尚書領行營節度使寓

西平陽府

軍邠州聯音希邠悲中切晞子儀子時為

行營入朝晞在邠州古邠國之地今屬陝西

州皆隸關內道邠州古邠國之地今屬陝西

府西安縱士卒無賴邠人偷嗜暴惡者卒以貨

竄名軍伍中則肆志吏不得問竄取亂切日

羣行丐取於市不嫌輒奮擊折人手足椎釜

鬲甕益盈道上袒臂徐去至撞殺孕婦人音

嫌釜音輔正作鬲鬲一作歷益於浪切盈字

一本作蔡與撒同讀如蔡蔡叔之蔡新史改

作盈故或作盈一本又作奔祖一作把非

是撞傳江切嫌足也鬲鼎屬益盈也

邠節度使白季德以王故戚不敢言太尉自

州以狀白府願計事至則曰天子以生人付

公理公見人被暴害因愕然且大亂若何季

德曰願奉教付一作理治也太尉曰某為涇州甚

邇少事今不忍人無寇暴或以亂天子邊事

公誠以都虞侯命某者能為公已亂使公之

神可更卷第八

人不得害為去聲。○李德曰幸甚如太尉請

既署一月晞軍士十七人入市取酒又以

刺酒翁壞釀器洒流溝中釀女亮切太尉刻

卒取十七人皆斷頭注槩上植市門外晞

管大譟盡甲長矛也盡甲一營盡被甲也

李德震恐召太尉曰將奈何太尉曰無傷也

請辭於軍李德使數十人從太尉太尉盡辭

去解佩刀選老覺者一人持馬至晞門下

結俾亦一丁切。說甲者出太尉笑且入曰殺

一老卒何甲也吾戴吾頭來矣郤伯溫文曰朱

日吾戴頭來矣上一吾字便不成甲者愕因

論曰尚書固負若屬邪副元帥固負若屬邪

奈何欲以亂賊郭氏為白尚書出聽我言晞

出見太尉太尉曰副元帥勲塞天地當務始

終今尚書恣卒為暴暴且亂亂天子邊欲誰

歸罪罪且及副元帥今邪人惡子弟以貨竄

名軍籍中殺害人如是不止幾日不大亂太

亂由尚書出人皆曰尚書倚副元帥不戢士



然則郭氏功名其與存者幾何一諦諸皆頂門  
亞人不能言未畢晞再拜曰公幸教晞以遺恩  
不自悔甚大願奉軍以從顧叱左右曰皆解甲散還  
火区中敢譁者死太尉曰吾未晞食請假設  
艸具既食曰吾疾作願留宿門下晞音通  
命持馬者去旦日來遂臥軍中晞不解衣  
戒候卒擊柝衛太尉旦俱至李德所謝不能  
請改過邠州由是無禍一段口結汾陽王子  
偉人晞亦先是太尉在涇州為營田官非俗子  
德初

為邠寧署秀實涇大將焦令謨謀音取人田  
度支營田副使自占數十頃給與農曰且熟歸我半是歲大  
旱莖無艸農以告謨謨曰我知入數而已不  
知旱也督責益急且飢死無以償即告太尉  
太尉判狀辭甚異使人求論謨謨盛怒名農  
我良段某邪何敢言我取判鋪背上以  
擊二十垂成昇來庭中太尉大泣曰乃  
我困汝即自取水洗去血裂裳衣瘡手注善  
藥旦夕自哺農者然後食取騎馬賣市穀代

償使勿知不於既切 淮西寓軍師尹少榮剛  
 直士也入見謹大罵曰汝誠人邪涇州堊如  
 諸人且飢歎而必得穀又用大杖擊無罪者  
精音者○說 段公仁信太人也而汝不知敬  
文精赤土也 矣段公唯下馬賤賣市穀入汝汝又取不恥  
 凡為人傲天災犯太人擊無罪者又取不恥  
 穀使主人出無馬汝將何以社天地尚不愧  
 奴隸邪隸即 謹雖暴抗然聞言則大愧流汗  
 不能食曰吾終不可以見段公一夕自恨

段別傳云大曆八年令謹猶存者蓋子厚之  
 得於傳聞其實令謹不歎○叙賣馬代納令  
謹穀奇矣得少榮 及太尉自涇州以司農  
一番議論更痛快 徵建中元年二月秀實自涇 戒其族過岐朱  
原節度使名爲司農卿 泚幸致貨幣慎勿納泚此禮切○岐古岐周  
地今爲岐山縣屬鳳翔 府及過泚固致大綾三百匹太尉婿韋晤堅  
 拒不得命至都太尉怒曰果不用吾言晤謝  
 曰處賤無以拒也太尉曰然終不以在吾弟  
 以如司農治事堂棲之梁木上之本無泚反  
 太尉終四年十月詔涇原節度使姚勣 泚反  
師救哥舒曜丁未出京城至涇水倒

神河東集卷八

秀實與元元年二月贈秀實太尉蓋忠烈志未假叙次不吏以告泚泚取視其故封識具存視下有

志未假叙次不太尉日然然不

太尉逸事如右

元和九年月日永州司馬員外置同正員柳宗元謹上史館今之稱太尉大節者出入以為武人一時奮不慮死以取名天下不知太尉之所立如是宗元嘗出入岐周邠縈間過真定北上馬嶺歷亭鄣堡戍竊好問老校退

卒能言其事

縈本鄧字侯備切鄣音章堡音保

山今為府屬北直隸漢書十里一亭一亭一太尉

為人媿媿常低首拱手行步言氣卑弱未嘗

以色待物人視之儒者也遇不可必達其志

決非偶然者媿音許行一作促媿媿相會

州刺史崔公來永州刺史言信行直備得太尉遺

事覆校無疑或恐尚逸墜未集太史氏敢以

狀私於執事謹狀茅坤曰史家顯微闡

故銀青光祿大夫右散騎常侍輕車都

尉室城縣開國伯柳公行狀

以叙事時出駢

諸具見子厚

曾祖善才皇荆王侍讀祖尚素皇潤州曲

阿縣令父慶休皇渤海郡渤海縣丞贈蔡

州刺史工部尚書汝州梁縣梁城鄉思義

里柳渾年七十四狀

公字維澗

柳渾字維澗又字夷曠

其先河東人晉永嘉

年有濟南太守卓者去其土代仕江左公實

後之

代一作在○晉末柳純位平陽太守純子卓避永嘉之亂自本郡遷於襄陽

官至汝南太守今云濟南柳氏自皇帝后穆

降于周魯以字命族因地受氏載在左氏內

外傳及太史公書魯孝公子伯展展孫司空

上師食邑柳下謚曰惠因以柳為氏魯為楚

滅柳氏入楚楚為秦滅乃還晉之解縣後秦

置河東郡故為自卓至公十有一代為士林

盛族著于南朝歷代史及柳氏家牒卓子恬

守恬子憑馮翊太守憑子叔宗字雙麟宋建

威參軍叔宗子世隆字彥結南齊尚書令世

隆子揆字文通梁左僕射曲江穆侯揆子映

映子爽爽子善才善才子尚素尚素子慶休

慶休子渾自卓至渾十一世也按惟公質貌

柳元景弟叔宗已下南史皆有傳

魁傑度量宏大弘和博達而遇節必立恢曠  
 放弛而應機能斷弛一作施非是斷去聲其居室奉養  
 撫字之誠儀于宗戚而內行着焉其蒞政采  
 仁端直之德洽于府寺而外美彰焉凡為學  
 畧章句之煩亂採撫奧旨以知道為宗凡為  
 文去藻飾之華靡汪洋自肆以適已為用之撫  
 石切○說自始學至於大成耽嗜文籍注意  
 文撫拾也  
 鑽礪倦不知游息威不待稷楚儒言經旨夙  
 有聞知雅○禮記云夏楚一物收其威也

年十餘歲有稱神巫來告曰若相法當天且  
 賤幸而為釋可以緩而歿耳位祿非若事也  
 天上聲○公諸父素加撫愛尤所信與遂命  
 奪去其業從巫言也巫下之字公不可且曰夫  
 性命之理聖人所罕言縉紳者所不道巫何  
 為而能盡之也且令從之而生去聖人之教  
 而為異術不若速歿之念也於是為學甚篤  
 其在童幼固不惑於怪譎矣譎古穴切○說文譎權詐也  
 開元中舉汝州進士計偕百數公為之冠音冠

貫後同前漢武紀徵吏民明當世之務先聖之業有縣次續食令與計備注計上最簿使郡國每歲遣詣京禮部侍郎韋陟異而師所徵之人與俱來也目之一舉上弟天寶元年禮部侍郎韋陟知貢舉柳載中弟十四人載後調受宋州單父尉操斷舉摺通乎細大潔廉檢守形於造次加雲騎尉秩滿江南西道連帥聞其名辟至公府調去聲父音甫辟音壁單父音邑各今為單縣屬京州府宋州今河南歸德是也至德中沛為江西採訪使南先判官以信州都邑人惟凶害靡弊殘耗假守永豐令公於是用重典以威姦暴鋪太和以惠艱瘡

毆除物害消去人隱隴之切毆即驅字唐信州今為江西廣信府永豐信屬縣也隴也周禮刑亂國用重典人隱謂民隱也子厚以避諱故耳吏無招權乾沒之患政無犯令危茸之蠹危音蒙茸音如容切蠹音妬漢刑法志政衰聽怠則廷平將招權而為亂首矣注招求也招致權者已也又張湯傳湯始為小吏乾沒與長安富貴田甲之屬交私注得利為乾利失利為沒宰制聽斷漸於訟息耕夫復於封疆商旅交於關市既庶而富廉恥興焉既富而教庠塾列焉塾音孰禮記家有塾里閭大變克有能稱遂表為洪州豐城令

到職如永豐之政而仁厚加焉授衢州司馬

唐洪州今江西南昌府豐城其屬縣也衢州春秋為越西鄙始陵地今為府隸浙江

器宏者恥效以圭撮之任足逸者難局以尋

常之地撮倉括切○量容六十四黍為圭四圭為撮八尺為尋倍尋為常公

遂滅跡藏用遁隱於武寧山武寧洪屬邑也其山以渾當隱

此至今稱羣公交書諸侯走幣皆謝絕不就

方將究賢人之業窮君子之儒味道腴以代

膏梁含德輝而輕紱冕遺榮養素恬淡如也

朝右籍甚有聲徵拜御史公曰君命也安敢

逃乎即日裝束上道公嘗好大體不為細家

之迫速非其志也以疾辭授右補闕不隱忠

以固位不形直以奸名速一作束奸音下他本作為奸非也○史傳

名拜監察御史臺僚以儀矩相繩而渾放曠不樂檢局乃求外職宰相惜其才留為左補

闕除殿中侍御史賜緋魚袋赴江西與租庸

使議復摧鐵及常平倉便定制置得以專任

和鈞關石之緒出納平準之宜國利人逸得

其要道推音角任一作征○書關石和鈞二

令丞以均天下郡國輸歛平賦相準者也明年自左補闕除殿中侍御史知江西租庸院

事遷侍御史充江南西路都團練判官大曆三年

以刑部侍郎魏少游為江西觀時屬支郡不

知連帥之職公請出巡盡征之地大詰姦繆

所至風動其有非常之政裕于人者必舉其

課績歸之使府又以文采殷勤歌詠之俾其

風謠頌聲聞于他部達于京師而後已使府

使之府謂改祠部員外郎轉司勳郎中餘如

哉就拜袁州刺史十二年公於是酌古

良牧之政定于今者宗而奉之政諸理國之

說稱于人者承而守之均利器用以致其富

昭明物則以教之禮示優裕之德以周惠利

緩九賦推廣厚之心以固和慈保萬人周禮

太宰以九賦斂財賄一曰邦中之賦二曰四

郊之賦三曰郊甸之賦四曰家削之賦五曰

邦縣之賦六曰邦都之賦七曰關市之賦八曰

之賦八曰山澤之賦九曰幣餘之賦明其制

量臨長羣吏示之法禁致中備敗無不得其

極理行高弟朝廷休之名拜諫議大夫十四

月以中書舍人崔祐甫平充浙江東西道黜

陟使將舉其能政端于外邦也建中元年二月

章事崔薦渾為諫議大夫

月命黜陟使



十一人分巡天公則修虞書之攷績舉漢代之課弟虞書二載攷績二及黜陟漢元帝建昭中法京房奏宣令百官各試其功奏攷功課吏處事詳諦無依違放縱之敗奉法端審無隱忌峭刻之文時分部所繫於公尤重凌江並海竟吳越之域皆所蒞焉峭七省切並蒲並進又音並上復命稱職加朝散大夫又拜聲○並近也左庶子集賢殿學士奉翊備后修其官政統理文籍紀于秘府拜尚書右丞直而多容簡而有制去苛削之文而吏皆率法務弘大之

道而政不失中加銀青光祿大夫遷右散騎常侍涇卒之亂公以變起卒遽盡室奔匿于終南山卒遽卒字賊徒訪公所在追以相印既及公而門焉公變名氏以給之捐家屬以委之給音急○江賊遂執公慶子榜篁訊問折其右肱而公不之顧即步入窮谷拔艸溼踰秦嶺由褒駱朝于行宮榜音彭所以輔弓逆音榜進船也又音榜木片也篁七蕊切亦作極○張鼓傳載賈高榜答數千四年十月朱泚反渾微服徒行過終南山谷賊素聞其名各以筆相名執其子榜答之搜索所在渾步

至奉天扈從至涼州改左散騎常侍上嘉其誠節不時召見公  
 頓首泣涕累陳討畫賊平策勲賜輕車都尉  
 封宣威縣開國伯拜尚書兵部侍郎貞元二年  
部侍一節封初公名載字元興至是奏請改命  
 宣城縣伯以滌為署之汙賊平渾奏言臣向各為賊汚且載於文從之非懼武所宜請改是歲盜據淮許方議討戮  
名軍宰相以大理評事李元平者有名以為才堪  
 攘寇拜為汝州羣臣望聲徇利者皆曰德舉  
 公獨慷慨言於朝曰是夫喋喋銜玉而買石

者也喋音喋銜肩縣切賈音古喋喋多言也說文銜行且賣也賈賣售也王  
 衍誤天下殷浩敗中軍華而不實異代同德  
 往且見獲何寇之穢時人不之信也未幾盜  
 襲汝州以元平歸凡百莫不嗟服焉襲音習  
字夷甫官司徒後為石勒所殺浩字惟深  
陳郡人仕至中宰將軍俱晉人唐史四年正  
月李希烈陷汝州俄以本官同中書門下平  
章事貞元三年正月以登翊聖皇匡弼大政  
 造膝盡規諫之志當事無矜大之容援下情  
 于上以酌天心順嘉謨于外用彰君德故籍

用茂著而人罕知之然其章布於外敷聞在  
 下者十一二焉十一二焉猶言也貞元初上以  
 旬服長入天下理本於是親擇郎吏分宰於  
 京師外部帝嘗親擇郎吏宰畿邑而政有未幾  
 而人謠大和擊壤之頌歸於帝力上名丞相  
 告之左僕射平章事張延賞抃蹈稱慶公俯  
 伏不賀且曰旬服之政固宜慎重然則此屑  
 屑者特京兆尹之職耳陛下當擇臣輩以輔  
 聖德臣當選京兆以承太化京兆當求令長

以親細事夫然後宜捨此而致理可謂慶入  
 矣然非王政之大倫也不知所賀上深然之  
 漢惠悅曹參之言絳侯慙曲逆之對玻之前  
 志我無負焉史記曹相國世家參子窋為中  
窋曰若歸試問而父曰君為相日飲無所請  
 事何以憂天下乎然無言吾告若也窋歸問  
 侍自從其所諫參怒而笞窋二日曰趣入  
 侍天下事非若所當言也至朝帝讓之對曰  
 陛下自察聖武孰與蕭何賢上曰君似不及也參  
 曰陛下之言是也且高帝與蕭何定天下法  
 今既明今陛下垂拱參等守職遵而勿失不  
 亦可乎惠帝曰善漢書高祖紀上問左丞相  
 勃天下下一歲決獄錢穀勃不能對問右丞相  
 亦可乎惠帝曰善漢書高祖紀上問左丞相  
 勃天下下一歲決獄錢穀勃不能對問右丞相

平平曰有主者上曰君所主何事也平謝曰宰相者上佐天子理陰陽順四時下遂萬物之室外鎮撫四夷諸侯內親附百姓使使而卿大夫各得在其職也上稱善勃大慙既而西戎乘間入邑詐以請盟侍中北平王燧建議許之自公卿以下莫有異慮公獨陳謀獻畫言戎之詐固不可許竟留中不下而前議遂行於是册命上將蒞盟諸戎戎果縱兵逼好大毆掠而去上召對前殿嘉歎者久之北平王馬燧也上將渾瑊也又月以侍中渾瑊為吐蕃清水會盟使兵部侍郎崔漢衡副之閏又月辛未瑊與吐蕃尚結贊同盟于平涼是日上視朝渾瑊曰戎狄豺狼也非盟誓可結

日之事臣竊憂之瑊果為蕃兵所劫狼狽而獲免漢衡以下將吏陷沒者六十餘人上使謂渾瑊曰卿書生乃能料敵如此其審邪時諫臣有廷爭陷於訕上者上未之善也公從容候間陳古以諷所以示寬裕之德招讜正之言詞旨切直意氣勤懇動合聖謨卒見納用聶去無何工人有以理乘輿服器得罪于左右有司以盜易御物請論如法制初可之公不奉詔因抗疏曰跡其罪狀未甚指朋方春殺人懼傷和氣上覽之大悅即原其罪刑官慎恤之事正於邦

典聖君含育之德彰于天下論者難之玉工  
作玉帶誤毀錢工不以聞私市他玉足之  
及獻帝識不類擿之工人伏罪帝怒其欺詔  
京兆府論成渾日陛下殺人則已若委有司  
須詳讞乃可於法誤傷乘輿器服杖六十請  
論如律之時上相與兪祿卿裴腆不協候公休  
沐以御酒或闕陰請貶之制命既行公堅執  
不下請訊支計之吏校其供入之實原本定  
罪窮理辯刑而腆竟獲宥克復本職白志貞  
有羈勒之勤獻利屢中上嘉其功效特寵異  
之方議大用公以為胥徒雜類出自微賤負

乘致寇盜之招也累疏以聞而止勅音的利  
一作勅古文也○勅編也三年以果州刺史  
白志貞為浙西觀察使渾奏志貞與小利縱  
嘉其才不當起刺職臣不敢奉詔會渾移疾  
出即日詔付外施行疾聞因乞骸骨不許  
公竭誠盡忠憂勞庶務有耄忘之疾懇追陳  
讓除右散騎常侍罷知政事○八月以右散  
騎常侍罷貞元五年二月五日薨于昌化里  
知政事○貞元五年二月五日薨于昌化里  
終於嶽地故褒贈不及年七十四惟公致君  
之志孜孜焉不有怠也立誠之節侃侃焉無  
所屈也故處心積慮博蹇之道表于朝端編

違釋回朴忠之誠沃于帝念禮記注釋猶去也回邪僻也內有敢言之勇進當不諱之明用能直道自達而無罪悔者也公累更重任祿秩之厚布于宗姻無一厘之士以處其子孫無一畝之官以聚其族屬待祿而飽傭室而安終身坦蕩而細故不入其達知足落落如此夫其子恭父慈善行也拊循制理能政也直廉潔靜儉德也拒疑獨斷明識也冒危以扞牧圉大節也犯顏以陳訶謨至忠也慈字下或有仁義二字

一如此尚室旌褒矧茲備禮焉可以已固當飾以榮號章示後來而故吏遺孤淪寓遐壤久稽彛典罪在宗屬敢用評騰舊行敷贊遺風騰音質說文若乃揚孔氏褒貶之文舉騰定也升也周公懲勸之法徵於誅謚則有司存謹狀

貞元十五年正月日故銀青光祿大夫右散騎常侍輕車都尉宜城縣開國伯柳公從孫將仕郎守集賢殿正字宗元謹上禮記

幼名冠字外謚周道也又經通義云謚者  
死後之稱累生時之行而謚之生有善行  
成有善謚所以勸善戒惡也謚之言  
列其所行身雖成各常存故謂謚也

尚書攷功伏以魯史褒貶虞書黜陟彰善癉  
惡王教之端自周公以來謚法未改癉丁但  
切○說  
疾也謹按桀公累歷清貫茂著各節貞亮存  
誠潔廉中禮納忠為爭臣之表出守乃牧人  
之良爭去  
聲刺舉必聞澄清可紀冒危而大節  
不奪更平  
聲更名而純誠克彰更平  
聲遂踐鼎司以匡  
王國奉上盡陪輔之志退迹有推讓之高圭

璋聞望洽于人聽聞音所以聳厲在位關於  
政教聲聞王者其事實繁褒善勸能固將不  
廢宗元既當族屬且又通家傳信克備其遺  
芳攷行敢徵於故事謹具署其懿績布以懇  
詞定謚之制請如律令謹狀謹具一作請具  
非是○如律令  
謂官遵  
行也下太常博士裴堪議定謚曰貞奉敕  
依

唐故秘書少監陳公行狀

文詞朴茂史  
陳京載藝文

傳其事亦  
多用之

五代祖某陳宣都王曾祖某皇會稽郡司  
 馬祖某皇晉陵郡司空參軍父某皇右補  
 闕翰林學士贈秘書少監某州某縣某鄉  
 某里陳京年若干狀一本無某州以下十四字  
 公姓陳氏自潁川來隸京兆萬年胄貴里謹  
 京既冠字曰慶復舉進士大曆元年京中進士第為太  
 子正字咸陽尉太常博士左補闕尚書膳部  
 攷功員外郎司封郎中給事中秘書少監自  
 攷功以來凡四命為集賢學士德宗登遐公

病痼輿曳就位備哀敬之節由是滋甚遂以  
 所居官致仕貞元二十一年四月二十五日  
 終于安邑里妻黨之室京娶常衣兄弟女無子京無子以從子  
 嗣襲為伯兄前監察御史璿仲兄前大理評事  
 萇萇娶柳氏即子厚之妹也以公文行之大者告于嘗吏  
 于公者使辭而陳之大曆中公始來京師中  
 書常舍人衮揚舍人炎讀其文驚以相視曰  
 子雲之徒也常以兄之子妻公由是名聞遊  
 太原太原尹喜曰重客至矣授館致餼厚以



泉布獻焉泉布二錢名漢食貨志王莽天鳳元年罷大小錢改作貨泉其文左  
日貨右日布重二十文一銖直貨泉二十文二貨泉重又一銖文右日貨左日泉枝直一十二品並  
 行公曰非是為也某嘗為北都賦未就願即而就焉其宮室城郭之大河山之富關閉之壯與其土疆之所出風俗之所安王業之所興苟得聞而觀之足矣若曰受太利是以利來蓋異前志也吾不能敢辭遂逆大河踰北山徜徉而歸賦成果傳天下彷彿音房音陽  
 也為咸陽尉留府廷主文章決大事得其道

為博士舉疵禮修墜典合于太中者眾焉疵病也墜廢也  
 涇人作難公徒行以出奔問官守建中四年十月涇原節度使姚令言反犯京師戊申德宗幸奉天左傳僖公二十四年天子蒙塵於外敵不奔  
 段忠烈之歿庚戌朱泚殺司上議問官守  
 罷朝七日宰相曰不可方居行官無以安天下公進曰是非宰相之言天子褒太節哀大臣天下所以安也況其特異者乎上用之其勤勞侍從謀議可否時之所賴者大況其新  
 卓巡狩告至上行罪已之道焉告至謂還宮

也或云至即左傳歸而曰凡我執事之臣無  
 飲至以數軍實之至也  
 所任罪子惟不謹於理而有是也將復前之  
 為相者公曰天子加惠羣臣而引隱焉德至  
 厚也而為相者復是無以大警于後且示天  
 下率其黨爭之上變於色在列者咸恟而退  
 公大呼曰趙需等勿退遂進而盡其辭焉不  
 果復還京以京為左補闕貞元元年正月赦  
天下一故宰相新州司馬盧杞量移吉州長史  
未幾用為饒州刺史制出京與趙需裴佖字  
文炫盧景亮張薦共劾杞輔政要位大臣踰  
時日不得對百官凜凜常若兵在頸今復用

則務賊可唾掌而起上大怒諫者稍引却  
 京顧曰趙需等勿退此國大事當以次爭之  
 上意稍解于戊以土迎訪太后開數歲外頗  
 和為澧州司馬  
 怠其禮公密疏發之天子感悅焉帝以初立  
 后不得意且怠京密白帝遣使初禮部試士  
 物色以求帝大怡終代不取置  
 有與親戚者則附于致功莫不陰授其旨意  
 而為進退者及公則否卓然有有司之道不  
 可犯也無有字太廟闕東向之禮且久矣公  
 以為請殷祭之不墜繫公之忠懇是賴故有

赤紱銀奩之報焉

初玄宗肅宗既附室遷獻懿二祖于西夾室引太祖

位東向禮儀使于休烈議獻屬尊於太祖

若合食則太祖位不得正請藏二祖神主以

太宗中宗肅宗肅宗從二世祖南向高宗玄宗

從高祖北向禘祫不及二祖凡十一年建中

初代宗喪畢當大禘京以太常博士上言春

秋之義毀廟之主陳于太祖末毀之主合食

于祖無毀廟遷主不享之言唐宗宣別為獻

懿二祖立廟禘祫則太祖遂正東向位德明

與聖祖附于德明與聖之廟每禘祫年就本室

方正太祖東向之位已下列叙昭穆其獻祖

懿祖附于德明與聖之廟每禘祫年就本室

賜京緋衣銀奩袋

昭陵山峻而高寢宮在

其上內官懲其上下之勤輓汲之艱也謂于

上請更之上下其議宰相承而諷之名官屬

使如其請唐太宗陵在醴泉縣西輓引之也

公曰斯太宗之志也其儉足以為法其嚴足

以有奉吾敢顧其私容而替之也奏議不可

上又下其議凡是公者六七人其餘皆曰更

之便上獨斷焉曰京議得矣從之貞元十四

歲為火所焚四月以宰相崔涓為修奉陵使

能抗京日不可議者多附在集賢奏秘書

官六員隸殿內而刊校益理納貲為胥而仕

者罷之求遺書凡增繕者乃作藝文新志制  
 為之名曰貞元御府羣書新錄始御府有食  
 本錢月權其贏以為膳有餘則學士與校理  
 官頒分之學士常受三倍由公而殺其二所殺  
界切書史之始至入禮幣錢六十緡亦皆分  
 焉公悉致之官以理府署作書閣廣羣官之  
 堂不取於將作少府而用大足居門下簡武  
 官議典禮上以為能益器之與信臣議且致  
 相位遇公有惑疾使視之疾甚不能知人遂

不用

帝器謂有宰相才欲用之會病狂易

丞李

文訕也帝使詰辨無狀猶自致功用鄭

吏部高太常為相

十九年十一月以太常卿

平章

而以秘書命公所以示優之也

中傷

中入問齊相繼後對延英帝

若干卷深茂古老慕司馬相如揚雄之辭而

其詰訓多尚書爾雅之說紀事朴實不苟悅

於人世得以傳其藁其學自聖人之書以至

百家諸子之言推黃炎之事涉歷代洎國朝

之故實鈞引貫穿舉大苞小若太倉之蓋崇  
 山之載浩浩乎不可知也豈揚子所謂仲尼  
 駕說者邪案去聲○黃炎黃帝炎帝也仲尼  
 駕說見揚子學行篇駕傳也言仲  
 尼乘行而贊述夫忠烈之喪也相府之有誠  
 也大廟之東向也昭陵之不復其故也官守  
 之不可奪也立言之不可誣也利之不苟就  
 也害之不苟去也其忠類朱雲漢書朱雲請  
 得上方斬馬劍斬佞臣一人頭上其孝類  
 顛攷叔左傳隱元年鄭伯實姜氏於城顛既  
 而悔之顛攷叔間之有獻於公公

之食食舍內請以遺母公曰南有母遺繫我  
 獨無攷叔曰君何患焉若闕地及泉隧而在  
 見其誰曰不然公從之遂為母廉類公儀休  
 于如初君子曰顛攷叔純孝也史記公儀休者魯博士也以高弟為魯相奉  
 法循理無所變更百官自正使食祿者不得  
 與下民爭利受天者不得取而文以文之  
 小其辭魚雁機事皆類是而文以文之  
 學以輔之而天子以為之知既得其道又得  
 其時而不為公卿者病也故議者愜其始  
 而哀其終焉公之喪凡五十四日而夫人又  
 沒毀也夫人之父曰偕司農卿祖曰某贈太  
 子太保偕常哀宗元故集賢吏也子厚前為  
 集賢殿正

柳河東集卷第

三

字得公之遺事於其家書而授公之友以誌  
公之墓謹狀永貞元年八月五日尚書禮部  
員外郎柳宗元狀

唐柳河東集卷第八終

唐柳河東集卷第九 明樛李蔣之翹輯注

銘言表碣同誄名誌

唐相國房公德銘之陰

房瑄字次律河南人雅自負以

天下為已任天寶間拜文部尚書同中書門下平章事後拜太子賓客遷禮部尚書為晉漢二州刺史寶應二年名拜刑部尚書道病卒贈太尉唐史有傳其德銘乃李華所撰于厚特為之書其陰云○附錄李華唐丞相太尉房公德銘玄宗季年逆將持兵天錫房公言正其傾羣兇害直事乃不行虜起幽陵連覆二京帝慈蒸人避狄西蜀爰命監撫理兵北朔登賢

為輔讓子以續公賚冊書亦捧瑞玉  
聖人神人天地咸若天子李臣忠元臣  
踴躍命師中車謀殲羿浞人咸有言  
志屈道行公曰不可屈則後生柄不  
在公象昏瞶明退師備宮出守函谷  
入為尚書正色諤又刺汾澮遠臨  
彭濮何負而東何負而西公受挫抑  
那太懷懷帝懷明德俾不我迷徵拜  
秋官命曰休哉薨祖聞中國瘁人哀  
喬嶽隕躓輔星昏霾天子夷弟追崇  
上台巖巖俗宗聽其峻極赫赫房公  
尊其盛德昔無定春列郡是式建銘  
慰南國

天子之二三公稱公王者之後稱公  
諸侯之入為王卿士亦曰公有土封其臣稱

之曰公尊其道而師之稱曰公楚之僭凡為

縣者皆曰公古之人通謂年之長老曰公

故言三公若周公名公

後若宋公

武康殺管叔放蔡叔乃命微子開卒立其弟

微子之命以申之國于宋微子開卒立其弟

仲卒宋公稽立為卿士若衛武公號文公鄭

桓公

公也左傳官之奇諫曰號仲號叔王季之

子也為文王卿士勳在王室功藏盟府其

臣稱之則列國皆然師之尊者太公楚之為

縣者若葉公白公葉於涉切○史記楚世家

太子建之子勝於吳以為巢大夫號曰白公

注白邑名楚邑大夫皆稱公葉公公于高也

葉亦楚邑名年之長老若毛公申公涪公涪音浮

傳毛公輔人申公魯人又云於魯則申涪公涪字音陪今此作涪公未詳而大臣

罕能以姓配公者雖近有之然不能著也唐

之大臣以姓配公最著者曰房公房公相玄

宗有勞于蜀人咸服其節相肅宗作訓於岐

人咸尊其道天寶十一載玄宗狩蜀琯至

普安上謁帝甚喜即同平章事

至德元載九月肅宗至順化郡琯為惟正直

相如故遂同至鳳翔鳳翔即岐山也

慈愛以成於德用是進退所居而事理辯所

去而人哀號理袁人袁人不勝其懷為文士

趙郡李華銘公之德亂故不克立一作袁字一

○天寶五載殺括蒼郡太守韋堅琯坐與堅

善貶袁州宜春太守李華字遐叔趙州贊皇

人官監今刺史太原王涯嘉公之道猶在乎

人不忘公之道為之刻石王涯以左拾遺

起居舍人元和初其甥皇甫湜以賢良對策

作宰相湜坐避嫌罷學士再貶號州司馬徙

為袁州且曰洲之南有亭曰需宴亭公之為

刺史



也人之思也乃增飾棟宇即而立焉

一統志亭今在

袁州府治南瑄嘗於公暇宴耆民之處

州人大悅咸會隕涕言

曰管公以周名之德微子之仁有土封以為

卿士道為三公德為國師年為元老嘗為縣

縣懷其化至于州州濡其澤

濡音如○說文濡濡濕也

我子孫罔不戴慕盛德之詞文而不刻要刺

史數十莫克興起乃卒歸於王公

刻一王公

嘗以機密匡天子于禁中遵公之道刺於我

邦承公之理又能尊公之德起遺文以昭前

烈則其人為卿士三公也孰曰不室

承一作

作由又

吾懼其去我也遽願書十銘之陰用

永表于邦之良政

國子司業陽城遺愛碣

陽城字亢宗定州北平人後徙

陝州夏縣新史刻之卓行傳公為集

賢殿正字作此碣集又有與太學

生書論城事亦甚悉○古雅質實不

為浮華之詞故自佳唐順之曰又甚

繁嚴茅坤曰

四年五月皇帝以銀印赤紱即隱所起陽公

為諫議大夫

貞元四年六月以陝號觀察使李泌平章事泌薦城可用為諫

議大夫賜排衣銀象袋後七年廷諍懇至累日不解帝

尤嘉異遷為國子司業十一平四月裴延齡

貶忠州別駕帝怒甚無敢言者城即率拾遺

王仲舒等數人守延英門一疏論延齡姦佞

警等無罪德宗怒將加城等罪良旌直優賢

久乃解七月遷城國子司業

遣允師儒又四年九月己巳出拜道州刺史

有太學生薛約者嘗學於城十四年以言事

得罪論連州吏捕迹得之城家城坐東於門

與約飲法別涕泣送之邛外帝聞以為黨罪

人九月出城為道州刺史按城在十四年

逆數之則上所云四太學生魯郡季儻盧江

何蕃等百六十人儻或作儻百六十八人投業

奔走稽首闕下呼聞顛天願乞復舊顛音祿

朝廷重更其事如己巳詔翼日會

徒北嚮如初行至延喜門公使追奪其章遮

道願罷遂不果獻生徒嗷嗷相聒徘徊嗷音

一作顧野音野○翼日字見尚書答公之來

一邪視也○王世貞曰北嚮字嗷音微輒孔

仁風扇揚暴悞革面柔輒有立充切作儒

聽聞嘉言樂甚鐘鼓瞻仰德宇高逾嵩位甚

鐘鼓言其中心之樂有甚及公當職施政不

於作樂也嵩位二嵩各

人準程良士勇善偽夫去飾墮者益勤誕者

益恭沉酣腴酒斥逐郊遂醜呼句切一作醜

醜酒膏也醜多也書費誓魯人三違親三歲

罷退鄉黨令未及下乞歸就養者二十餘人

城為司業引諸生告之曰凡學所以學為忠

與季也諸生寧有久不省其親者乎明日謁

或以歸養者二十有餘人禮順克彰季悒以

與則又講貫經籍俾達奧義簡習季秀俱極

儒業城又簡秀才德行升堂上沉酣不率我

寇屨裳衣由公而嚴進退揖讓由公而儀公

征甚遐吾黨誰師謂城為道州其行甚遠也

遂相與容度署吏布告諸儒願立貞珉侔高

狀度徒洛切珉武巾切乃訪于學古

之士紀公名字垂憲于後公名城字亢宗家

于北平隱于條山惟公端粹冲和高凝懿醇

疑魚力切道德仁明季愛友悌薰襲卑閉布

聞天下城初隱中條山與弟塔城常易衣出

其處而守節貞固患難不能遷其心怡性坦

厚榮位不足動其神為司諫義震于周行為

司業夢加于生徒宏乎立石俾後是憲其辭

曰

惟茲陽公履道葆醜爰初隱聲覆篋基仁乎覆

披切篋音價○覆篋字見論語篋盛土之器德克而形乃作諫臣

抗志厲義直道是陳帝求師儒貳我成均禮周

大司樂職掌成均之法注成均不帝之學此謂城為司業也開朗蒙滯宣

剛德毅大和潛布方機密照羣生聞禮後學

知孝進退作則動言是傲匪公之軌人用奚

蹈詩小雅君子是則是傲麤厲貪凌待公順之欺偽譎

詐待公信之少年申申咸適其宜榘榘廢弛

尊嚴而威見前禮記師嚴然後道尊公褒其

良俾升于堂癯者既肥榮如袞衣癯音備○

夏始癯而後肥有問之者子夏曰吾入見夫子之義則

問曰何為戰勝子夏曰吾入見夫子之義則榮之出見富貴又榮之二有戰於胸臆故臞今見夫子之義勝故肥也公棄不

用懲咎內訟既訟于內猶公之誨匪仁孰親

匪德孰尊今公于征孰表儒門生徒上言藉

首帝聞胡天蓋高曾莫我聞青衿涕濡填街

盈轡遠送于南望慕踟躕上音馳下音周立石書德

用揚懿則嗚呼斯文遺愛罔極

唐故給事中皇太子侍讀陸文通先生

墓表

陸質本名淳字元冲其後避憲宗諱改賜名質公集有答元饒

州論

春秋書云宗元出郃州不克卒業於陸先生之門書末又謂始至是

州作

陸文通先生墓表今以奉獻與

宣英讀之此表作於郃州明矣○唐

順之日

孔子作春秋千五百年以名為傳者五家

書

藝文志春秋左氏傳三十卷公羊傳穀梁傳

鄒氏傳夾氏傳各一十卷鄒氏郊氏有錄無

書今用其三焉左氏公羊秉觚牘焦思慮以

為論注疏說者百千人矣

觚音孤○論注疏說如何休范甯賈

達之類於春秋

交許狠怒以辭氣相擊排冒沒

者罪相告謂也狠不聽從一日豔也

其為

書處則克棟宇出則汗牛馬或合而隱或乖

而顯後之學者窮老盡氣左視右顧莫得而

本則專其所學以訾其所異黨枯竹護朽骨

以至於父子傷夷君臣詆悖者前世多有之

甚矣聖人之難知也

視一作覽訾謂支切○古無訾字

枯竹也訾毀也漢宣帝時黃霸向受穀梁春秋及其子散校秘書見左氏傳大好之數以難向向不能答然猶自持其穀梁義後漢陳元疏曰陛下知丘明親受孔子而公穀傳於

後學故左氏博士論者亦瀛所習玩有吳  
 守舊聞左氏孤學少與遂為墨家所排郡人陸先生質以其師友天水啖助洎趙匡  
 啖徒監切助字叔佐趙州人後徙關中先天  
 寶未為台州臨海縣主簿上元二十二年集三傳  
 釋春秋至大曆五年而畢號集傳匡字伯能  
 厚河東人歷淮南節度判官洋州刺史  
 知聖人之旨故春秋之言及是而奔虜使庸  
 人小童皆可積學以入聖人之道傳聖人之  
 教是其德豈不侈大矣哉公羊傳制春秋之  
 義以俟後聖日君  
 子為以有先生字某既讀書得制作之本而  
 獲其師友於是合古今檄同異聯之以言累

之以文蓋講道者二十年書而志之者又十

餘年其事大備為春秋集注十篇辯疑七篇

微旨三篇崇文總目載唐給事中陸淳纂春  
 秋三書共十七卷云二家之說不

同故采獲善者參以啖助趙匡之說為集傳

又本褒貶之意更為微旨條別二家以朱墨

紀其勝否又據三家得失與經辰明章大中

發露公器其道以聖人為主以堯舜為的苞

羅旁魄膠轄下上而不出於正聖一作生鳥  
 步角切封禪

書云旁魄鬼四塞鬼字准此步角切唐韻除四

陌切外別音托注史記落鬼貧無家集韻又

作薄音白各切注聲也歐陽尚書火流于王

屋為鳥其聲魄韻中音義於此不通今依封

師河東集卷九

禪書作步角切亦作旁礪膠一作膠轡音葛  
 ○膠轡驅馳也說文長遠貌一曰車馬喧雜  
 也其法以文武為首以周公為翼揖讓升降  
 好惡喜怒而不過乎物禮記仁人不過乎物既  
 成以授世之聰明之士使陳而明之故其書  
 出焉而先生為巨儒用是為天子爭臣尚書  
 郎國子博士給事中皇太子侍讀皆得其道  
 禮記天子有爭臣七人貞元中實佐淮南節  
 度陳少遊幕府少遊薦之朝授左拾遺二十  
 一年自給事中刺二州守人知仁質歷台信  
 為太子侍讀是歲改為侍東宮言其所學為古君  
 永貞年永貞元年

臣圖以獻而道達乎上是歲嗣天子踐祚而  
 理謂憲宗尊優師儒先生以疾聞臨問加禮  
 某月日終于京師某月日葬于某郡某里九  
 辛巳質嗚呼先生道之存也以書不及施於政  
 道之行也以言不及觀其理門人世儒是以  
 增慟將葬以先生為能文聖人之書通于後  
 世遂相與謚曰文通先生後若干祀有學其  
 書者過其墓哀其道之所由乃作石以表一碣  
無

唐故兵部郎中楊君墓碣

新史楊凝傳  
如此碣惟

不載其以核書  
郎為書記耳

貞元十九年正月某日守尚書兵部郎中楊君卒某月日葬于奉先縣其原其子姪泊家老謀立石以表于墓

唐奉先縣隸同州馮翊郡今為蒲城縣屬陝西西安府家老謂其族之老也

華令曰凡五品以上為碑龜跌螭首降五品為碣方跌圓首其高四尺按郎中品第五以其秩不克階降而從碣之制

跌音夫螭丑知切圓一作圭云說文圭瑞王上圓下方其說亦通○葬今唐時世葬之令

跌足也螭無角似龍而黃此言足為其世系

則紀于大墓疑號州弘農人遠祖越恭公鈞

安溫二州刺史文偉生榮榮生恪恪生元政

司勳郎中元政生志玄殿中侍御史志玄生

成名成君諱凝字懋功與季弟凌生同日不

周月而孤凌字恭履善屬伯克憑剪髮為童

家居于吳憑字虛受一字嗣仁太夫人母道

尊愛教飭謹備君之昆弟季敬出於其性禮

範奉于其舊克有成德輯其休光輯音集

東薄海岱南極衡巫文學者皆知誦其

瑞



詞而以為模準進修者率用歌其行而有所  
 矜式君既舉進士以校書郎為書記大曆三年疑舉  
 進士與元元年正月以樊澤為山南東道節  
 度使疑自秘書省校書郎為其府掌書記  
 毗贊元侯于漢之陰式徙荊州貞元二年閏  
南節度使由協律郎三轉御史元戎出師用  
 疑隨府遷元戎元帥也詩元戎先啓行遂入王庭為起居  
 顯厥謀元戎元帥也詩元戎先啓行郎書事不回著重國典又為尚書司封員外  
 郎革正封邑申明嫡勝事連權右斥退勿渾  
 直聲彰聞嫡丁歷切勝以證切乃參選部以

馭羣吏茲臣席勢威福自已他人求附離而  
 不得者公則却之私以胥吏求署一皆罷遣  
 曰吾不以三尺法為已利害乃一作仍選去  
改吏部為選部時疑為東居喪致哀內盡其  
部員外郎席勢乘勢也志外盡其物而無有不得於心者服除為右  
 司郎中危言直已以致其誠然卒中於諛離  
 不得朝請諛音賁諛離見孟子注險也以檢校吏部郎中  
 為宣武軍節度判官貞元十一年八月宣武  
先觀察判官董晉表為汴宋亳穎等亭人缺守往蒞其歧孤老撫安強猾

戮歿，擊鑿，曉鹵，芟艾，榛荒，作爰田，以贍人食。  
 濬決，潢汙，築複，堤防，為落渠，以定水禍，理不  
 半歲，利垂千祀。曉丘交切鹵音魯艾與刈同  
 曉山之多石有鹵鹹地左  
傳舊十一年作爰田爰易也 會朝復命，次于  
 汴郊，帥喪卒亂，不可以入，遂西，次闕下。十四  
 年冬  
凝朝正京師十五年春還汴二月節 璽書迎  
 門，勞徠甚備，以疾居家，三年復登于朝。十八  
 年凝  
起家為兵 遐邇咏歌，仍遇痼疾，天子致問，逾  
 三月，不賜告，幸其愈而用之，遂來，天下文行

之士為之悲哀。漢律有賜告賜告者有病滿三月  
 月當免天子復賜其告使復  
帶甲殺將官屬 嗚呼！君有深淳之行，有彊毅  
 之志，內以和於親戚，正於族屬，外以信於明  
 友，施於政事故，身之進退，人之喜戚，繫焉。凡  
 其昆弟，申剛于朝，制書咸曰：「季友，君子謂楊  
 氏，其仁義之府，君之文若千什，皆可以傳於  
 世。」疑有文二十卷權 若某者，以姻舊獲慶，厚  
乃疑兄憑之婚 不腆之文，君實知之，惟車馬  
見弘農楊氏誌 幣玉無可以稱其德，用君之所以知者，酬焉。

知上一  
無以字

故御史周君碣

周君未詳張唐英云御史必周子諒也按唐史

開元二十四年以牛仙客為工部尚書同中書門下三品其左丞相裴耀卿右丞相張九齡並罷知政事明年子諒以監察御史彈牛仙客非引識書為證上怒甚親加詰問命左右撰於殿庭絕而復蘇仍杖之朝堂流漢州至藍田而歿此云歿於墀下又云在天寶年恐或誤也○詞簡而氣王似歌似哭雖千載下可以掩窺復亂茅坤曰調不入史漢而氣韻亦劉焦竑曰議論偉然不凡

有唐貞臣汝南周氏諱某字某以諫歿葬于

某謝芳得曰唐貞臣以諫歿葬于立碣于其墓左在天寶年有以諛諛至相位

賢臣故退公為御史抗言以白其事得歿于

墀下釋文墀塗地也丹漆地故稱丹墀史臣書之公之歿而

佞者始與公議於虛古之不得其歿者歟矣

若公之歿志匡王國氣震姦佞動獲其所斯

蓋得其歿者歟焦竑曰贊其歿可以不朽公真可以壯忠臣義士之氣

之德之才洽於傳聞卒以不試而獨申其節

猶能奮百代之上以為世軌一本下有弟令

生於定哀之間則孔子不曰未見剛者出於  
 秦楚之後則漢祖不曰安得猛士而存不及  
 與王之用沒不遭聖人之歎誠立志者之所  
 悼也故為之銘如此議論真然案銘曰  
 忠為美道是履諫而歿佞者止史之志石以  
 紀為臣軌兮一無

唐故衡州刺史東平呂君誄

呂溫字化

叔河中人貞元未擢進士弟藻翰精  
 富流輩推尚性好好利與子厚王叔文  
 黨而溫獨免坐進戶部員外郎嘗學  
 又薦知雜事宰相李吉甫持之溫奏

吉甫除事憲宗怒貶均州刺史再貶  
 道州久之徙衡州治有善狀年四十七  
 卒子厚既為此誄又為文祭之按周  
 禮小史掌卿大夫之喪讀誄誄累生  
 時行迹者也○意致纏纏而組織亦  
 自精工唐順之曰魏晉以來誄並藻  
 麗子厚自為機  
 杼亦有可觀

維唐元和六年八月衡州刺史東平呂君卒

爰用十月十四日藁葬于江陵之楚藁音

後漢馬援傳援征武陵蠻卒不敢以喪還買  
 城西數畝地藁葬而已注藁草也唐江陵今  
 州俱屬湖廣嗚呼君有智勇李仁惟其  
 能可用康天下惟其志可用經百世不克而

歿世亦無由知焉君由道州以陟為衡州君  
 之卒二州之人哭者逾月湖南人重社飲酒  
 是月上戊不酒去樂會哭于神所而歸湖南  
 無人字而社字下有鄉字○元和六年八月  
 八日戊子社周禮肆師職曰社之日蒞社來  
 歲之稼荆楚歲時記社日其結總會社牲醪  
 為屋於樹下先祭神然後共享其胙湖南即  
 衡州也 余居永州在二州中間其哀聲交于北  
 南舟船之下上必呱呱然蓋嘗聞于古而觀  
 于今也 呱音孤胡一作觀○呱呱泣聲書啓  
 溪如也此筆亦寫君之志與能不施于生人知  
 得濃至極淋漓

之者又不過十人世徒讀君之文章歌君之  
 理行不知二者近於君其未也 理行本一作治  
 下微 嗚呼君之文章宏端於百世今其存者  
 非君之極言也獨其詞耳君之理行宏極於  
 天下今其聞者非君之盡力也獨其跡耳萬  
 不試而一出焉猶為當世甚重若使幸得出  
 其什一三則巍然為偉人與世無窮其可涯  
 也君所居官為第三品宏得謚于太常余懼  
 州吏之逸其辭也私為之誄以志其行

一作其辭曰

麟歿魯郊其靈不施春秋哀公十四年西狩獲麟濯濯夫

子故潔其儀言如麟之復出也冠仁服義于櫓書詩

于櫓盾也禮記忠貞繼佩智勇承綦綦渠之切○綦履節

也跨騰商周堯舜是師道不勝禍天固余

欺鬼神齊怒妖孽咸疑何付之德而奪其時

嗚呼哀哉變魚列切一作孽○茅坤日以命

姓惟呂勤唐以九輔寧萬邦受胙爾國齊太

公呂尚其先為四岳佐禹平水土有功封於

呂國諡有曰胙四岳國命為侯伯賜姓曰姜

氏日有呂維師元聖周以降德世征不侯伊

祖之則詩維師尚父書韋求元聖左傳僖公

公日不侯九伯女實嗣濟厥武前書是式至

于化炎爰耀其特也春秋之元儒者咸惑

君達其道卓焉孔直聖人有心由我而得敷

施變化動無不克推理惟工舒文以翼宣于

事業與古同極此謂溫從陸道不苟用資仕

乃揚進于禮司奮藻含章部也決科聯中休

問用張貞元十四年尚書左丞顧署讎百氏

鎔綜逾允備校也溫為秘 銘郁諫劾溫與王

執左拾遺 屢皂其囊漢官儀凡章奏皆啟封

方朔言文帝集書囊為殿帷懼醜又言文帝

陳政要具對經術以帝 帝殊爾能入服其智戎

悔厥禍欵邊求侍戎謂吐蕃欵叩也 盛選邦

良難乎始使君登御史贊命承事二十一年

監張薦為吐蕃甲祭使溫以 風動海壖皇威

以致文孺城下田也 來總征賦甲茲郎吏元和

九年使還溫遷制用經邦時推重器諸臣之

復周官匪易復一作後非是 漢課賦奏鮮云能備

復報也反也漢課賦奏鮮云能備

載出其技筆削自任羣儒革議

刑邦憲為貳溫自戶部員外郎遷司封員外

糾安肅邪邪諂具良 糾迷伊肅諂具良作

民服休嘉道遠州也 恩疎若昵惕邇如遐實

開其閭而撫于家汲黯為東郡太守閭閻

不出歲餘東海大治載

其愉樂申以舞歌賦無吏迫威不刑加浩然  
 順風從令無譁繇蠶外邑我繭盈車雜耕隣  
 邦我黍之華既字其畜亦藝其麻馨鼓斯屏  
 人喜其多馨音鼻屏必野切其二始富終衰  
 與良廢邪攻績既成王用興嗟終諸本皆作  
謂庶富教陟于嶽演言進其律溫自道州遷  
之說也濱衡嶽之濱也禮記王制諸侯有功德於民  
者加地進律注律者爵命之等加地而進之  
以示勸也號呼南竭謳謠北溢欺吏悍良先聲如  
 矢連租匿役歸誠自出兼并既息罷羸乃逸

罷即惟咎舉善盜奔于鄰今我興仁化爲齊  
 人左傳文公十六年晉士會爲太惟咎富人  
 或賑之粟今我厚生不竭而足左傳文公十  
鮑禮於國人宋飢竭其粟而貸之又襄二十  
九年鄭飢而未及及民病子皮以子產之命  
餼國人粟邦思其弱人戴惟父善胡名災仁  
 胡惟咎俾民伊怙而君不壽矯矯貪凌乃康  
 乃茂嗚呼哀哉怙一廩不餘食藏無積帛內  
 厚族姻外調賓客恒是懸罄逮茲易簣僅無  
 凶服葬非舊陌嗚呼哀哉藏才浪切闕之由  
切通作周易簣音

可報美卷九

十一



亦責。○周禮注。賕。禮物不備。相給足也。左傳。僖公二十六年。齊侯謂魯人。曰。室如懸磬。野無青草。何恃而不恐。禮記。曾子。君嘗與余講。寢疾病。曾元易箒。注。箒。謂林策。君嘗與余講。德討儒。時中之奧。希聖為徒。志存致君。笑詠。唐虞揭茲。日月以耀羣愚。莊子。昭昭乎。揭日月而行。疑生所怪。怒起。特殊。齒舌噉噉。雷動風驅。良辰不偶。卒與禍俱。直道莫試。嘉言罔敷。佐王之器。窮以郡符。秩在三品。處謚王都。諸生羣吏。尚擁良圖。故友咨懷。累行陳謨。是旌是告。永永不渝。嗚呼哀哉。

唐故尚書戶部郎中魏府君墓誌

魏府君外

簡史無傳子厚謂居又同開故哀而銘之按子厚世系魏河東人父鎮徙於吳則府君亦吳人矣

魏氏世墓于某縣某原唐與有聞士諱之過者。遇他歷切又音狄與子及孫咸舉進士嗣為儒家。綿州涪城尉諱全珪。珪與實同一作璽魏州臨黃土簿諱欽慈太常主簿諱繼。繼音袞尚書膳部員外郎兼江陵少尹諱萬成凡三代名高而不浮於行才具而不得其祿江陵府君益之以

閔達之才經緯之謀故豪士賢大夫痛慕加  
 厚生郎中府君諱弘簡字曰裕之以文行知  
 名既冠而德禮聞於鄉黨既仕而法制立於  
 官政溫柔發乎外見而人莫不親直方存乎  
 內久而人莫不敬由進士策賢良連居科第  
建中元年弘簡中進士授太子校書歷桂管  
弟貞元元年又中賢良授太子校書歷桂管  
 江西福建宣歙四府為判官副使累授協律  
 郎大理評事三為御史賜緋魚袋在州六年  
 而人樂之請本多無廉使崔衍曰吾敢專天

下之士獨惠茲人乎貞元十一年八月衍自

察使辟弘簡為副遂獻于天子拜度支員外轉戶部

郎中邦賦克舉人望逾重年四十七貞元二

十年九月三十日不疾而歿震悼之聲遐邇

一離且曰斯人也而不得為善之利中人其

急乎一離或作下君嘗三娶而卒無主婦庭

無倚廬堂無抱孤戰國策曰王孫賈母謂賈

門而望暮出而不還則吾倚廬有令兄弟以

主其喪有季女以守其祀故哭于客位弔于

殯東者咸加哀焉凡為部從事府喪而當其位者三刈斂而居其守者二皆得其理君之先再世貧不得葬故以祿仕遊於諸侯薄衣食損車馬凡十有餘祀卒獲于厥心其族屬之無主後者皆位於墓姊姪之無歸從者咸會于家由是處約以終其世既斂家宰庀其政花匹姆切○家室家視廩唯全鍾視藏唯之老者花治也具也束帛無餘積焉藏才浪切○左傳齊舊四區豆區金鍾四升為豆各自其四以登於金金十則鍾是四升為區四區為金六斛四升也四金為鍾鍾六斛四斗也

十有一月遣車歸于洛師某日祔于墓遺詩戰切

○周禮中車云大喪飾遣車遣車送死有之車論文遺神奠也書朝至于洛師洛師洛陽也

監察御史柳宗元聞其道而翫其文也久居人同開故哀而銘之開居岸切○說文開里門也其辭

曰

郎中之道惟直是保淳泊坦厚溫恭季友郎

中之文惟季是宣溥暢周流炳蔚紛綸為周

賢能為漢賢良周禮卿大夫之職二年則六比及其德行道藝而興賢者

能者漢史武帝詔丞相御史列侯中二千石二千石諸侯相舉賢良方正直言極諫之士

始任讎校篇籍有光仍授使檄訂謨用揚詩  
謨定命一居郎位征賦以理休聲載祀顯命詩大也  
伊始生而不壽孰知其止歟而不嗣孰濟其  
美有翩其旗爰舉裳帷行道遲遲望暮而歸  
裳帷車象物是宜卜筮孔時  
象物明器也塗飾也  
卑人作銘不愧于辭

唐故朝散大夫永州刺史崔公墓誌

史名敏子厚集又有祭崔使君文即敏也文謂某等咸以罪戾謫茲南方誌云以某年月日歸葬某懸則此誌子厚在永州作

維元和五年九月十五日壬子永州刺史崔  
公薨于位享年六十八乙未殯于路寢甲寅  
遷神于舟以某年某月日歸葬于某縣某原  
祔于皇考吏部侍郎贈戶部尚書府君之墓  
公羊傳薨于路寢何正寢也注天子尚諸侯皆有二寢一高寢二路寢三小寢  
書諱漪玄宗南巡內禪聖嗣府君以謀畫定  
命起一旅以服天下厥功載焉  
禪音擅天寶十一年六月玄宗狩蜀置太子討賊太子次平涼朔方節度判官崔漪迎太子治兵于朔方壬子甲子太子即皇帝位是為肅宗左傳有叙一旅注旅五百人也

尚書之先曰貴鄉丞贈太常少卿府君諱子  
 美太常之先曰揚州江都丞府君諱道禎行  
 高位卑華冠士族公諱某字某承世德之清  
 源浚之以蠲潔以端其志承羣言之枝葉植  
 之以茂實以修其能蠲居淵切○說文蠲亦潔也始由右  
 千牛備身佐環衛武德元年改隋左右備身府曰左右府顯慶元年改左右府曰左右千牛府按唐百官志左右千牛衛上將軍各一人掌侍衛及供御兵仗千牛備身各左右執弓箭宿衛又云千牛夏盤屋備身各左右各十人掌執御力三原藍田尉田三縣今皆屬陝西西安府

仍有大故三徙同位言三徙皆為尉也繼授許州臨  
 穎汝州龍興令推以直道二邑齊風唐臨穎州今屬開封府龍興縣屬汝州今為汝州寶豐縣哥舒曜尹河南字子明與元元年自東都畿汝節度使遷河南尹鯨寇猾鷲黎人播莪人本作民表公尉河南以避諱也換糧芻芟戎備畢給  
 糗去久切○書時乃糗糧無敢不逮時版圖乃芻芟無敢不多糗藜米麥也芟乾芻版圖田洹民事時又洹許城切○周禮聽閭里以也應邵云溝廣四尺深四尺洹廣深倍於溝遷揚州錄事參軍實  
 吳楚之大都會也一統志揚州今屬南直隸

都會都會者謂一都之會也政令煩繁貢奉叢沓一日不

菁鑄譙四至公為之優游有裕擊汝加切菁觀文意當是

菁字轉寫作菁取諳韻無此字唯舊本楚辭中作如此書者今从菁音七人切諳才笑切

也一作諳諳言鑄秩諳諳之也長史司徒杜公與

之揖讓異於實僚異一作夷貞元元年十一月以杜佑為揚州長史

淮南節度使佑八為太子司議郎拜歸州刺

史唐歸州巴東郡今為縣屬荊州府巖險湍悍人類鳥獸古

號難理公克有聲遷永州刺史朝散大夫惟

是南楚風浮俗鬼戶為昏徒家有禳禱禳音

稷

俗鬼言其俗尚鬼也禳禱皆除及之祭謂禳禱未至之害大者禳禱孤以

盜邦賦歐愚蒙以神訛言悖于政經莫有禁

禦詩民之訛言注訛偽也公於是修整部吏黜侵凌牟

渙者數百人以付信于下而征貢用集牟取也

擒戮妖師毀煮蒿淫昏者千餘室以舉正羣

枉而甲閭克和煮音薰禮記煮蒿悽愴煮蒿香臭之氣淫昏左傳所謂

鬼也寬以容物直以率下邦人方安其理

縉紳猶鬱其望體鬼遽降哀何有窮禮運體鬼則降

志氣在上謂成也嗚呼公前夫人徐州參軍勞陽鄭

謂成也

鉅女有子曰義和早夭後夫人萬年尉范陽  
盧彤文嘉淑之德繼聞宗族有子曰貽哲貽  
儉克承于家洎公之兄子曰厥曰禮誠願志  
于墓無忘公之德銘曰

孰為德門清河濟源其流云云一作遠哉法

清河郡人云云世有顯懿揚其清芬煥炳增

華昭于後昆惟鮒與鯉舊史是尊鮒音防

為茂功尚書清風藹其有融融音為戶

為茂功尚書清風藹其有融融音為戶

與披州從龍左傳禹湯罪已其與也勃焉易

靈武布令諸夏敷和六戎赫矣太陽克升于

中隋舞歌六戎仰朔孰為惠政公嗣餘慶形于謠咏

小程其功大遂其性黠吏是省妖風以正干

邑于邦克揚休命黑下八切于邑于孰為遺

愛公去昭代邦人斯痲始焉是賴今也何戴

痲莫佩切○詩使我孰葬我公于洛之會何以

銘之徽音不昧也

故永州刺史流配驪州崔君權厝誌崔君

名簡字子敬即子厚之姊之夫也集中又有祭崔簡一文○茅坤曰丰神似可

博陵崔君

崔氏出自齊下公呂伋食邑於崔因以為氏後分清河博陵二望

由進士入山南西道節度府始掌書記至府

留後

貞元五年簡中進士弟山南西道節度使辟為掌書記

徙職六

增官至刑部員外郎出刺連永兩州未至永

而連之人懇君御史按章具獄坐流驩州

州日南郡幼弟訟諸朝天子黜連帥罷御史小吏

咸歿投之荒外而君不克復

連帥河南觀察使也元和

七年正月二十六日卒孤處道泊守訥奉君

之喪踰海水不幸遇暴風一孤溺歿七月某

日柩至于永州八月甲子藁葬于社壇之北

四百步

壇以醉切○時子厚為永州司馬

崔氏世嗣文章君

又益工博知古今事給數敏辯善謀畫南貶

蜀虜西邊戎師其慮皆君之自出

簡嘗從嚴

師後餌石病瘍且亂故不承于初

瘍音陽

一本即作易非是○石丹今尚有丈夫

子夫人河東柳氏德頊行淑先崔君十年卒



子厚集有其葬在長安東南少陵北君以窆

沒家又有海禍力不克祔三年將復故葬也

徒志其一二大者云

鯢為祖畢為父世文儒積彌厚

祭酒也子混為平章事混子簡其名子敬字本

皆作字年三十增以二葬湘澘非其地後三

年辭當備選音筮說文澘水涯也

唐故萬年令裴府君墓碣裴堦子厚之姊之夫也墓

在元和十三年碣亦是時作

公諱堦字封叔河東聞喜人開喜唐絳州縣今屬山西平陽

府太尉公諱行儉實高祖行儉字侍中公諱

允庭實曾祖允庭字連城刑部員外郎府君

諱稹實祖稹一作稹非是稹以蔭仕大理

卿府君諱儼實父儼一作非是公由進士上第孫云

三年進士校書崇文館飭館事修整左春坊由

是立署局崇文館有校書郎一人掌校理書

貞元八年後參京兆軍事按覆校巡木尹恒

得以取直太常主簿搜逃疑互探

柳氏集卷六

三十一

快遞隱逃他歷切快音決遞音鈍。唐宿工

老師不得伏匿皆來會堂下看股肱役喉嚨

以集樂事作坐立二部伎圖卿奇其績奏

以為丞音指。太常寺卿一人丞二人從

祀于西門之司空杜公聯奉豐陵禮儀再

為佐貞元二十一年正月德宗崩七月以太

常卿士杜黃裳平章事為禮儀使十月

葬崇陵元和九年正月順宗崩仍以杜黃

裳為使七月葬豐陵黃裳再碎堊為判官

紛老導滯塞關百執事條直顯遂司空拱

以成貌自開元制禮諱去國恤章高宗顯

正月長孫無忌等上所修新禮中外行之

時許敬宗李義甫用事所損益多以預備

事非臣子所宜言遂焚國恤一篇由是

遂闕至開元二十年九月新禮成遂因之

累聖陵寢皆因事擊綴取一切乃已有司

卒無所徵公乃撰二陵集禮藏之南閣學首

稱衛切。子厚集有裴君豐崇二陵集禮後序轉殿中待御史仍拜

尚書比部員外郎會校成要蒼歲畢具會古

○比部員外郎掌會夕會內外賦飲經費之事

會大詩也周禮聽出入比其要會注要會註

最之簿書月計刺金州決高弛隙去人水禍

日要歲計日會刺金州決高弛隙去人水禍

渚焚原茅闢成稻梁弛賞是切隙音

渚焚原茅闢成稻梁弛賞是切隙音

柳河東集卷九

字九

陳致韻並無陳字惟有勳音巢縣名也唐  
金州今金鄉縣屬山東兗州說文弛弓解也  
隙阮塞也陟萬年令唐劇辨肅譚曼終日人  
艾水草視之若居穴官然唐萬年縣今為咸會金州  
盛陝西西安府猾吏揚言恐鳴以煩襄事曰不得三十萬  
 能為禍公大怒名罵之恣所為吏巧以聞  
史按州具獄再請遣州循州為佐掾會赦  
移吉州長史唐循州今為廣東惠州元和十  
府吉州江西吉安府二年秋七月日病瘧泄卒瘧詩廉切泄音始  
 公以唯諾聞長安中奔入危急輕出財力如

索水火性開蕩進交大官不視齒類挾同列  
 收下輩細大畢歡喜博奕知聲音飲酒甚少  
 而工於紉繡譯舞擊琴織屑促密皆曲中節  
 度而終身不以酒氣加人晝接人裏夜讀書  
 及禮收裙策牘未嘗釋手以是重請公間即  
斜字嬰又下洛切裙俱詠切初娶  
日謔擊鼓日嬰詩或歌或嬰裙拾也  
 范陽盧氏無子後夫人柳氏德為九族冠生  
 三男子喪其二焉貞元十六年某月日卒祔  
 于長安御宿之北原御宿長安地名漢書武  
帝廣開上林南至宜春

鼎湖御宿見吾冢子銑奉柩以明年月日克

葬于墓冢子銑一作有嫡子或銑字銑以文

書來柳州告其叔舅宗元願殯于墓左則涕

為之銘其辭曰

有鬱其馨惟裴之卿大理卿世服大僚仍

耀烈名書有服在大僚也封叔申之實惟其英

也申重讎書官闈謂校書佐職于京謂為京兆府參軍

太常命吏以能增秩相儀致禮大弁斯畢與

下同書率循太鳩工展伎爰備聲律謂太

或圖或書藏之府室謂作坐立二部伎史

于柱下謂為殿中侍御史史記老子傳周守

之史又張陽傳老子為柱下史郎子會司

外切謂為比部員外郎周禮司會之職以

參互及日成以月要致月成以歲會致歲成

以周知四徽循以周大比是宜比音避周

職三年則大比注謂使作牧于金金人允懷

溝防漢滄墊沃卒移漢滄漢水之

手閑民相顧聚來詩詩除也金州臨漢故

蔡時九旱郡中追怨乃作章謔曰壤陂誰  
 羅子歲飯我且食羹芋魁注以芋根為羹  
 為萬年治劇于都百務叙成談宴以娛誰  
 誰恃不忍悍吏胡巧其辭按章以遂由道斥  
 循施施三年施余支切○施施夏菽進資廬  
 陵是遷唐吉州廬陵郡人曰世德遠慶于延又曰良  
 能定方之宜朝有大賚期賜其還鬼神不享  
 命殞在前還一作異非是○元和十一年十  
 堊以二十二年七月卒長原有墓高曾祖父淑  
 故云殞命在前也  
 靈是祔封叔爰歸左右惟具淑靈謂孤銑磨

石祈辭海陬遂升其跌于遺之周限將侯切

